



Meeqqanut, Inuusuttunut, Ilinniartitaanermut,
Kultureqarnermut, Timersornermut
Ilageeqarnermullu Naalakkersuisoq
ikin@nanoq.gl

Ulloq: 31-10-2023
J.nr.: 01.39.01.03-00268

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliaq peqatigalugu sisamangornermi ulloq 2. november 2023 nal. 14-15
ataatsimiittarfik Erling Høeghimi siunersiuinissamut aggeqqusissut**

Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu
Naalakkersuisoq UKA2023/45 ataatsimiititaliami suliarineqarneranut atatillugu ataatsimiititaliamit
siunersiuinermut aggersarneqarpoq, taanna ima oqaasertaqarluni:

***” Najugaq qimannagu isumaginninnermi siunnersortitut ilinniarfimmik pilersitseqqullugit
Naalakkersuisut peqquneqarnissaannik Inatsisartut aaliangiiffigisassaattut siunnersuut”.***

Immikkoortumut Naalakkersuisut allannguutissatut siunnersuummik ima saqqummiussipput:

***” Najugaq qimannagu isumaginninnermi siunnersortitut ilinniarfimmik, pisariaqartitat
aallaavigalugit misissuinissamik Attassinissamut Siuariartornissamullu Pilersaarut 2-mi,
aaqqissuusseqqinnermi siunnerfik 1, Ilinniartitaanerup piginnaasallu qaffasinnerat
suliarineqarnerani pissasoq Naalakkersuisut peqquneqarnissaannik Inatsisartut
aalajangiiffigisassaattut siunnersuut”***

Siunersiuinermut tulliuuttutigut allaqqasut ataatsimiititaliamit eqqartorusunneqarput:

1. Siunnersuutaqqaartoq akuerineqassagaluarpat ilinniarfillu Nuummi Ilisimatusarfimmut
inissinneqarluni, taava ingerlatsinermit aningaasartuutissat pillugit Naalakkersuisut
nassuiaateqarnissaat aammalu tamatumunnga aningaasaqarnikkut kingunerisassai pillugit
paasissutissanik sukumiisunik saqqummiussinissaat ataatsimiititaliamit qinnutigineqassaaq.
 - a) Siunnersuutip piviusunngortinneqarnissaa ilimagineqassappat, Naalakkersuisumut
oqaaseqaateqarfigeqquneqarpoq qaqugu siusinnerpaamik ilinniarfiup Ilisimatusarfiup
ataani aallartinnissaa naatsorsuutigineqassanersoq?

- b) Siunnersuinermi ikiortit kiisalu isumaginninnerup iluani siunnersortit ilinniarnermi immikkut akuersissuteqarfigineqarsinnaanersut Naalakkersuisunut nassuiaateqarfigeqquneqarpoq kiisalu eqqoriaqquneqarluni eqimattanut taakkununga ilinniarneq qanoq ingerlanneqassanersoq?
- c) Ilinniakkat siuliani taakkartorneqartut pitsaassusissaat pillugit kiisalu kommunini sullissisarnerup pitsaanerulernissaanut atatillugu najugaq qimannagu isumaginninnermi siunnersortit ilinniarfimmik pilersitsisoqarnerani iluaqutissartaa pillugu Naalakkersuisoq nassuiaateqarfigeqquneqarpoq?

2. Konto 30.01.03 Inunnik isumaginninnerup iluani pikkorissartitsinerit ilinniartitseqqinnerillu (ingerlatsinermit aningaasaliissutit) pillugit Naalakkersuisoq nassuiaateqarfigeqquneqarlunilu naassuiaateqarfigeqquneqarpoq

- a) Kontomi tassani aningaasaliissutinik annikillisaasoqarsimanersoq pillugu Naalakkersuisoq ilisimasaqarpa?
- b) Isumaginninnermi siunnersortit piginnaangorsaqqinnissaanut suliutigullu ineriartortinneqarnissaanut Naalakkersuisut sunik aalajangersimasunik pilersaaruteqarpat?

Naalakkersuisumik siunnersuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik siunnersuinerata ilinniartitaanermut, Kultureqarnermut, Timersornermut ilageeqarnermullu Naalakkersuisup ataatsimiititaliallu akornanni pingaarnersuilluni tulleriarnerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa Kultureqarnermut, ilinniartitaanermut, ilisimatusarnermut ilageeqarnermullu Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu siunnersuineq sioqqullugu pissarsitinneqarnissani ataatsimiititaliap kissaatigaa. Allakkiap uunga nassiunneqarnissaa qinnutigineqarpoq mika@ina.alla.gl aamma nimha@ina.alla.gl

Allakkiap ataatsimiititaliap Naalakkersuisumik siunnersuineranut nassarneqarpat atorneqarpallu taassuma nuutinera ataatsimiititaliap Naalakkersuisumik apersuinerata aallartinnerani ataatsimiititaliap oqaluttanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga

Najaaraq Møller

Ataatsimiititaliami Siulittaasoq